



心思無定，抽籤算命

人講：「心思無定，抽籤算命。」下面是一寡過去的例，予逐家罔做參考。

聽講欲倚四十年前，基隆有一位姓李的婦人人，因為真濟代誌攏無啥順序，厝內閣拄好著賊偷，就去予人相命。相命仙的講伊最近一禮拜內猶閣會有一个大災厄，叫伊離開厝裡小閃一下通保平安，伊聽信相命仙的話，搬來蹺蹺臺北的大飯店，無疑悟大飯店著火燒，伊的性命煞無去，若是蹺蹺厝裡毋就無代誌。

以早，一位同事的婦人人，有一站仔定定袂食袂睏得，一直咧消瘦落肉，有人好心共伊報講有一位誠靈聖(lîng-siànn)的半仙，有佬勢拄佬勢，阮同事就煮去予看。半仙的講個婦人人命中有帶大劫數，若無祭煞，性命就賒無半年。阮彼个同事有小可鐵齒鐵齒，無啥相信，就煮個某去予西醫看，「新陳代謝」科的醫生共講是更年期的問題，食藥仔就會好。到今二十外年矣，個某猶閣過甲誠好勢，無沙無屑。

2003年，美國發動『伊拉克』戰爭的期間，有一位電視名喙，蹺電視頂講甲喙角全波，講『海珊』總統的地下堡壘佬爾仔堅固咧，美國無可能有法伊，親像伊親目睇看過的款；閣講若照『海珊』的八字看起來，這擺伊一定會平安無代誌。以我對回教的了解，相信個並無八字這款文化，結果按怎逐家攏知免閣加講。

2012年的奧運，咱臺灣有一位跆拳道的原住民女選手，提著亞軍轉來，真濟人攏共鬥歡喜。就有一位姓名學的大師，跳出來佇報紙大刊廣告，講是伊共改名才會得著好的成績，我就想講這位大師誠甕肚，若共改做冠軍的姓名敢無加誠好。

已經是啥物時代矣，咱臺灣人莫閣一直戇落去。相命這款代誌，閒閒無代誌做，罔要罔要無打緊，莫傷相信，社會上真濟騙財騙色的新聞，才袂定定咧出現。

作者：陳憲國

☆詞彙學習☆

【著賊偷】tiòh-tshàt-thau：遭小偷

【祭煞】tsè-suah：去除不祥的道教儀式

【無疑悟】bô-gî-gōo：沒想到

【無沙無屑】bô-sua-bô-sap：毫無損傷

【消瘦落肉】siau-sán-lòh-bah：一直瘦下去

【甕肚】àng-tōo：自私、藏私

☆文法學習☆

【鐵齒鐵齒】：有點不信邪之意。閩南語形容詞的重疊詞是表示比較弱化的意思，這跟華語不同。比如單字形容詞「嬌(suí)」即表示漂亮；「嬌嬌」則僅表示有點漂亮，並非很漂亮；「嬌嬌嬌」才表示很漂亮。但非單字詞「鐵齒」之最高級不能再重疊，一般會用「足鐵齒」、「有夠鐵齒」或「夭壽鐵齒」來表示。